

姚文敏公遺稿

附錄

一





姚文敏公遺稿  
附錄

(一)

著 姚  
張元禎正校

# 少保姚文敏公文集序

少保姚文敏公既卒葬之明年。其仲子中書舍人璽執其遺文若干卷過予請曰。先君積學勵行歷典清要者數十年。今其已矣。而精神心術之微。幸脫燐燼而未泯者。惟此二三冊爾。璽父子荷先生知愛之深。寧無一言之惠以增重之。而使傳聞於後乎。予因三復之。而爲之嘆曰。公以清純溫雅之資。廣大弘深之量。高明該博之學。少有大名。歷躋通顯。典司封駁。掌邦禮位冢宰。務持大體。不事末節。以古人自期。故其芳聲偉績見於朝廷。施於天下。而戴之人心者。洋洋乎民到于今稱之而不忘也。然公之於文也。以理勝爲主。而恥事彫琢。每建大議。決大政。意到落筆。萬言立就。酌古準今。曲盡事變。而無遺情。浩浩乎如長江大河。一瀉千里。而不能窮其源也。巍巍乎如泰山丘嶽。吞吐元化。而不能尋其根也。至於騰蛟龍起雲霧。霈甘霖以潤澤天下之枯槁者。雖愚夫愚婦亦皆知其功力之廣大。而感戴之無已也。豈若彼淺丈夫者。學無所本。用違其志。忘己徇人。徒取聲譽於一時。而無實德於民者之可倫耶。且公之在朝。受列聖之知。而久於其位。文章政事爲時首稱。載之史冊。銘之鼎彝。如精金白璧。世所共寶。奚俟乎茲集之成。而後傳。抑奚待乎予言之贅。而後人知所重哉。雖然。繼承前休。以圖不朽者。子孫之責也。幸力成之。毋怠毋忽。時成化十九年歲次癸卯春三月望光祿大夫柱國太子太傅吏部尙書兼華蓋殿大學士知制誥經筵官眉山萬安書。

# 少保姚文敏公遺集序

文章政事心之跡也。心之所存悉於是而見之。故其行之當時遺之後世卽其事聞其言是非之公天理民彝之常之不可泯者其邪正隆汙昭如日星孰能得而掩其毫釐哉。然而文與事同道窮與達異趣達於政者或不及於文富於文者或未施於政窮達之趣異而所當之事殊故不得而兼全也使或政施於當時而一世膏沐之言傳於後世而來學景仰之非德隆道尊心純識正醞英華清淑之氣於太和元氣之間者孰得而幸致之哉。少保吏部尙書姚文敏公其人也。公少有大志以春秋三傳發解南省俱爲第一而天下以經義游藝場屋者咸宗法之後入諫垣屢陳大議從容雅重不事浮靡時以公輔屬望焉繼而典邦禮總百官表儀凝重德量宏深謀謨警敏卓乎一代之名輔也奈何天不佑德老成云亡而轉頭萬事陳迹矣。其仲子中書舍人璽以其遺文數冊因間請予序之予素荷公不鄙久辱知愛安敢以荒蕪辭哉。因三復讀之而謂之曰公其偉丈夫哉文章政事自其心之所形見者何其若是之兼全耶語其才如河流滂沛不待疏決而自無壅滯也語其達如庖丁解牛不待鼓刀而自得其肯綮也溫潤者如玉之產於藍田明潔者如珠之孕於合浦春容典重又如金鐘大鏞之在東序動中律呂而不可以淫哇之聲亂之也其視彼小小者挾聰明之資竊取糟粕牽聯組綴以耀塵俗而襲聲譽於朝夕者奚啻天淵乎宜其言之必傳也謹識此以歸之是集舊名蘊蠹堆稿累厄於火而所存百十耳因易今名云弘治三年

庚戌歲夏四月既望榮祿大夫、太子太保禮部尙書兼文淵閣大學士、知制誥、國史副總裁、經筵官、瓊臺丘濬書。

〔以上闕〕樂爲之用者衆推誠愛物而陰被其澤者多故三十餘年天下望其風裁而瘡痍賴其撫摩宜乎生榮死哀而蒙褒贈之恩波也嗚呼巍巍遺像生氣不磨百世而下孰不景仰其德業如宋之李沆漢之蕭何也耶正議大夫資治尹大理寺廬陵王槩贊

冢宰姚公像贊

正統戊午冬先侍郎府君自泉入覲晏侍行初識公於桐江公時還自解闈如寶劍發硎凜不可犯也旣而公魁闈取高第拜官侍近晏亦叨祿仕始獲從公之後數年來公位望日尊出入兩京自大宗伯而大正天卿之位以迄于今茲蓋日相聚處教益多矣間獲見公小像乃述公爲人之大都寓瞻敬之意而謂之贊其辭曰宏遠規模汪洋度量學貫天人位隆卿相人物權衡生民倚仗翊我皇明天年有象正議大夫資治尹吏部左侍郎濟南尹晏拜手

又

此吏部尚書嚴郡姚公也高爽而整密直亮而優宏學邃六經之旨文兼諸子之雄叶發路賢科蚤屢魁乎多士輩英侍中迺超乎秋卿名愈重而謙摶自若官愈進而憂惕與并三爲禮部再長銓衡懇懃格心之疏顥顥閔下之誠擇小大於衆論別玒璗於至明其定力之堅足以扛九鼎其宇量之大可以納重溟此列聖人信任而弗二而士大夫倚賴之匪輕清廟玉瓊福祿足膺皇明柱石永荷隆平通議大夫吏部右侍郎吳郡葉盛拜贊

贈少保謚文敏姚公像贊

蘊乎中春融而秋肅形諸外義斷而仁施其後掇巍科也策天人於一致其裕丞帝載也成歲功於四時以知夫祿與位不足爲公重而休聲令譽昭竹帛而永垂者是則公之所遺凜此像以麟遊鳳儀我思古人豈但於鄉邦之幸見而所最幸者於清朝冢宰而見之此其所以來三公之寵光增加文敏之懿謚而龍光昭燭於浙河之湄也都察院右副都御史同年胡拱辰拜手

文敏公像贊

儼乎衣冠肅乎儀形其未達也暮史朝經其旣達也身踐力行薦躋華要任重阿衡笙簧治道粉綿太平海嶽以奠宗社以寧允矣君子展也大成戶部左侍郎年弟莆田翁世資贊

又

儼其容如山之凝溫其顏如日之升其才足以周世用而學爲之輔其德足以稱民表而量益以宏是宜魁選于賢科獻納于王庭寅清以典禮宜亮以持衡聳百僚之具瞻荷列聖之寵榮若夫揮洒篇章而天葩爛發笑談尊俎而逸氣橫生又其稟賦之秀與日星而爭耀共風霆以流形者千載而下抑孰得掩其精英也耶通議大夫禮部左侍郎博陵劉吉謹贊

溫恭德容濟楚深衣學識遠大踐履光輝任宗伯寅清典禮接武夔夷居大冢宰阿衡佐治追蹤傅伊此

乾坤間氣之鍾秀爲承平廟堂之百揆者也通奉大夫浙江左布政使年未侍生建安劉福贊

又

此吏部尙書贈少保謚文敏姚公之遺像也有如是凝遠之風度有如是尊嚴之氣象有如是開闊之心胸有如是卓偉之聞望彼哉何人尙咷咷然以動其喙多見其不知量也噫不有君子其何能國君子之所爲固衆人之所不識翰林院學士瓊山丘濬贊

又

德望文章士林魁首也訏謨功業儒臣領袖也後學仰瞻泰山北斗也舉朝悲悼梁摧棟仆也嗟夫孰儲其禎光嶽之精孰奪其齡順受之貞見知聖主終始哀榮九原不作國無倚衡資政大夫都察院左都御史嘉興項忠贊

# 姚文敏公遺稿目錄

## 卷之一

### 五言古詩

送提學嚴御史四首

送芮都憲得翦字

送韓都憲永熙出大同

送蕭尙書南還

送鄭太僕考績還任

送趙德懋南歸

送濮教諭之歙學

送楊司訓之興化

送熊驛丞之新安

送嚴寧

贈司馬黃門父還會稽

贈周憲使致政還臨海

贈莫子長先生赴荻河

贈都舍還播

贈程長官還播

贈項司庾

古體贈孟都憲

題扇贈王都

題扇與孫玉麟

題孝子廬墓卷

題順孫廬墓卷

題竹

目耕卷爲劉居士題

具慶堂爲莫生賦

敬慎軒爲李知縣賦

書楊編修賓筵留詠卷

永寧留寄于太守

簡牕友

秋官周亞卿病暑以詩問之

伏末苦熱得雨喜甚有作

京華同年會分得呦字

自武昌追李都憲

夜宿公館有懷參政

宿天津埠

夢先外母如平生因感而作

齋所夢元器

挽陳都御史

挽年尙書

挽高僉事

挽馬侍郎母

挽陳員外父松雲翁 以下原闕

挽劉通政二親

挽左繡衣二親

挽劉華英母

挽林二尹夫婦

挽徐氏夫婦

偶口

卷之二

七言古詩

送孔大尹之桃源

送胡參政之任西川

送李尚書父還南陽

送陳少卿致仕還鄉居西湖

送吳伯彰歸桐廬

送危典史致仕還鄉

送鄭教諭之休寧

送王資用赴臨江通判

送曹侍御致仕南還

送夏大理歸省

贈兄耕樂先生南歸

贈王先生致政南還

贈王都憲公度

贈姪瑞

勉思行爲吳春秀才贈

翕順堂詩爲劉錄事贈

題梅鵠

題金教授先墨卷

題皇華秋景圖

卷之三

五言律詩

小孤

下峽二首

寄聽竹先生二首

哭英廟九首

挽太常蔣尙書

五言排律

賀登極

送劉黃門之南京

題藍溪港

題潘節推隆恩堂

先妣夫人忌辰

挽安國恭憲公

挽薩侍郎同僚

卷之四

七言律詩

夜泊荻港

過廬阜二首

自武昌追李都憲

過巴陵

過桃源遇雨憶商學士

過平越方經苗賊有感

過雞公關索二嶺

過安籠箐

老鴉關

過七星關

遇赤岡有懷

畢節遇風雨雪漫賦

十七日早發松林驛自賦

忠州弔陸宣公墓

南陀晚晴

荊州寄汚陽林學正

荊州觀李都堂詩和寄

夢感

書忠義事

過君山

丁丑正月十七日迎駕

感懷初八宿張家灣

東光有感

與蕭都憲同發張家灣船不及以詩追之

望德州

過故城卽事

中秋夜招周秋官小飲

憩宿大勝寺會諸同年

用前韻酬張同寅

近冬喜雪

冬至日恭遇萬壽聖節朝罷有喜而作

珠溪佳趣

送內弟王仲啓

送鄒亞卿歸省

送劉憲副

送王留守之鳳陽

送尚寶塞公致政回鄉

送徐憲副之廣東

送進士張翥歸蘇

送劉光祿展省南歸

送劉太守致仕還南

送沈憲副之浙江

送鄭侍御巡按江西

送王選夫赴廣西戎幕

送人教諭南陽

送張參政還山東